

# MME MFRI ANDITIENE-CHRIST

James 2:1-26

ỌYỌHỌ UKPEP-ŃKPỌ 449

Eke Mkparawa

**IKỌ IBUOT:** “Fehe kpọn mme idiok itọn ini uyen, nyuñ tiene mmọ eke esemedede ekot Ọbọn ke edisana esit, bine edinen ido, ye mbuotidem ye ima, ye emem” (2 Ɗwed Timothy 2:22).

## Ima Abasi

Abasi amama kpukpru owo ke ererimbot idighe koro owo edide enyene-ńkpọ, me ubuene, me akparawa me akani owo, me odude ke udoñọ me odude ke nsọn-idem, edi edi koro owo enyenede odu-uwem ukpọn eke midikpaha, ndien Abasi iyomke owo ndomo-kiet atak. “Owo ekedede eke ọbuotde idem ye enye okutak, edi enyene nsinsi uwem” (John 3:16). Enye imaha mme enyene nti ufok, ye nsọn-urua ubomisọn ye mme enyene-okuk ikan mmọ emi enyenede ata ekpri ńkpọ ke ererimbot emi. Enye ọmọfiok ukut me ubuene. Enye ama ọdọhọ ke ini Enye okodude ke ererimbot emi ete “Ebua-ikot enyene ndudu, inuen enyọn enyene mme efok; edi Eyen owo inyeneke ọtọ eke odoride ibuo Esie” (Matthew 8:20). Mme owo ekama Abasi ison ekom ke se mmọ enyenede, mmọ ikponyũ ifreke ndinọ Enye itoro ke se Enye ọnọde.

## Iduhe Enye Emi Imade Ikan

James ekpẹp nnyin ete ke Abasi inemke esit ye nnyin edieke nnyin imade mmọ emi esinede nti ọfọn ikan mmọ emi mminyeneke nti ọfọn. Ikọ Abasi ọdọhọ ete “Koro (mmensehe) nte owo esede; koro owo esede enyin, edi Jehovah ese esit’ (1 Samuel 16:7). Ndusuk ini, ke idak ediye ọfọn, esit ibak odu; ndusuk ini ke idak ọfọn eke mmiyehe, esit eke enende odu. Jesus ama etiñ abaña ebeñe-ebeñe emi ekesitiede ke inua-otop owo inyene, emi akamade Abasi. Enye ikesineke ediye ọfọn, ndusuk ini, esine ntaha ọfọn, inia onyũ ọyọhọ enye ke idem. Enye ikenyeneke nti ńkpọ uwem emi nte owo inyene ekenyenede edi enye ama inyene emi okokponde akan kpukpru, oro edi, Ima Abasi ke esit esie. Ke enye amakakpa, mme angel ema emen enye ekenim ke ikpanesit Abraham, man enye emi ekotde “ete mbuotidem” ọdọn enye esit. Idara esie ikedighe ke ibio-ibio ini edi akana nte ebighe ke nsinsi. Ikanaha okop ubiak, mfuho me biọn aba.

Se ekpededi eke nnyin isinede, me itiñde, me usuñ eke inamde ńkpọ, Abasi ọmọfiok esit nnyin. Nnyin itie nte ana-iñwañ ńwed emi emiñde okponi. Abasi emekeme ndikot enye. Abasi inyeneke mmọ emi Enye amade akan inyũ isinke ubahare.

## Mme Nda-mmama Enọ

Ndusuk owo ekere ete ke Abasi ama mmọ emi enyenede ńwak-ńkan nda-mmama enọ, me mmọ emi enamde se itiede nte ata akpan ńkpọ akan. Okposuk edi nte inyenede enọ kiet, edieke nnyin idade enye inam ńkpọ ke mbuotidem ye akam, utip nnyin eyekpon. Abasi iyomke ńkpọ eke nnyin mikemeke ndinam ito nnyin.

Jesus ama otop ńke abaña mmọ emi ekebođe talent. Ndusuk mmọ ema ebọ uwak, edi owo kiet ọkọbọ kiet kpọt. Ekeme ndidi owo oro ekekere ete ke ufọn iduhe imọ ndida talent kiet kpọt nnam ńkpọ. Enye ama ọbọp okuk oro obuk ke isọn, man otodo enye ekpemen ọnọ ete-ufok esie ke ini enye ọnyọnde edi man edise se mmọ ekedade okuk emi ekenọde mmọ enam.

Ke ini ete-ufok mmọ ọkọnyọnde edi, enye ama okut ete ke ndusuk mmọ emi ekebođe okuk enyũ eda enyam urua ema enyene udori edori ke okuk mmọ. Esit ama enem enye, enye ama onyũ ọnọ mmọ utip utom mmọ. Ke ini enye ọkọfiokde ete ke owo emi ọkọbọde okuk kiet etie ifu, inyũ idaha okuk esie inyam urua, esit ama ayat enye, enye ama ọbọ owo oro okuk esie ayak ọnọ owo efen emi okodude ke mbeñe-idem ndida nnyam urua.

## Mbuotidem Ye Utom

Mme owo efen enim ke akpanikọ ete, ke ndinyene mbuotidem ekem. Edi akpanikọ nte ńwed Abasi ewetde ete “Ke mbuotidem miduhe owo ikemeke ndinem Abasi esit” (Mme Hebrew 11:6). Nnyin ikemeke ndidi ntiene Enye man ibọ erinyaña, me, mme edidiọn efen ke mbuotidem miduhe. Ke idide ye mbuotidem, ikabarede esit ikpọn idiok, Abasi ọnọ erifen ke mme idiok-ńkpọ nnyin. Enye eyenyũ ọnọ nnyin ntọtuñọ enọ edinam-asana ye uduok-mmọn Edisana Spirit, ye erikok-udọn. Enye ọnọ sededi emi nnyin inanade. James

oḍoḥo ete “Kpasuk ntre, erinim ke akpanikọ, eke misañake ye erinam ñkpọ amakpa ke idem esie” (James 2:17). Abasi oyom mbiba, mbuḍtidem ye utom ke uwem anditiene-Christ.

Nte akanam ete ye eka fo eñwọḅo ndinọ fi utip ke anamde ñwọḅo-nda ñkpọ ọḅo mmọ? Esit ekeme ndimenere fi ke abañ utip oro, ndien afo aduak se edinamde ke ọḅoḍe utip oro. Ndien ke anamde se edoḥoḍe fi, eyenọ fi utip oro. Edi edieke ekerede abañ inemesit utip oro ikpọḅ, munyuñ unamke “utom,” utip oro eyekpu fi, ndien afo eyenyọḅ ubọk-ubọk. Yak nnyin ikut ite ke nnyin idomoke ndinyene mbuḍtidem me utom ikpọḅ ke eken miduhe. Mbuḍtidem ọkọri ọsọḅ akan ke enye asañade ye utom, ndien edi utom emi asañade ye mbuḍtidem ikpọḅ ke Abasi ọḅo.

### **Uwem Owo Nte Eto**

Jesus ke ediwak ini ekesida mme eto, iñwañ, vine, mme ñkọk ye mfri eto ọḅo mme owo ukpep-ñkpọ akpanikọ. Uwem anditiene-Christ ebiet eto, emi ikureke ke eto ye mme ikọḅ ikpọḅ, edi, edi eto emi oñwumde nti mfri. Mme eto emi oruñ mmọ edukde esit isọḅ, ekeme ndinyeñe enyuñ enuḥo ke ini ọkpọsọḅ ofum ofumede, edi esuk eda ke idaha ke ini utin afiakde asiaha. Anditiene-Christ esisobo ye idomo emi anamde enye ekpere Abasi akan, emi onyuñ anam “oruñ” esie oduk nsọsọḅ-nsọsọḅ ke Ọḅoḅ. Nte idighe utibe-ñkpọ ndikut nte owo asañade ebe ke mkpọsọḅ idomo onyuñ ọwọḅoḍe edi ye imam ye itoro ọḅo Abasi?

Eto emi oruñ esie mmidukke isọḅ eyeduḅ ke ini ofum, onyuñ ada akamba mbiara edi. Kpasuk ntre ke edi ye anditiene-Christ emi misineke ntọtuño-ntọtuño ke Jesus, ekeme ndiduḅ ke ini idomo, ndusuk ini anam mbio efen ekop ubiak ke ini iduḅ esie.

Nte afo eyeyak idem fo ọḅo “Enye emi ekemedede ndikpeme mbufo, ete, ekuduḅ, ndinyuñ nnam mbufo eda ke iso Ubọḅ Esie ke akwa idaresit enana ndo” (Jude 24)?

### **Mme Oñwum-mfri**

Mme owo ke ererimbot emi ebiet akwa iñwañ mfri. Abasi nte eti ekpeme iñwañ, otim ekpeme eto kiet emi odude ke iñwañ mfri. Eto kiet-kiet enyene ukem ukpeme, onyuñ enyene ukem-ukem ifet ndiñwum eti mfri. Eto kiet-kiet ọḅo ukem-ukem “uñwana utin ye edim,” ima Abasi. Ikọ Abasi akabare isọḅ man anam eto ọkọri. Iduhe iñwañ mfri emi akananam ọḅoḍe oruk ima ye editọ emi iñwañ eke Abasi ọḅoḍe ọḅoḍe.

Idighe kpukpru eto ke iñwañ esiñwum ukem-ukem ke ini ukpeñe, ndusuk esiñwum ndiye mfri, emi enemde enyuñ esọḅde urua eti-eti. Ke ndusuk eto, mfri mmọ esidi ñkpri-ñkpri, inyuñ inyeneke inem, ndiḍi mfri esinyene ekpri ekọm-urua. Ini eyedu emi edikpide mme eto emi miñwumke nti mfri eduḅk, enyuñ efọp, ndien eti eto emi ediñwumde eti mfri eyeda itie esie.

Oruk mfri emi eto oñwumde esinyene ñkpọ ndinam ye owo. Edieke mfri ọfọḅde, esida inyene ọsọk anditọ enye ye utip ọsọk mmọ emi etetde enyuñ etañde ebon. Ke akpatre, inem mfri emi eyesim owo emi edidiade enye man okop nsọḅ-idem. Idiḅk mfri edi ntak-urua ọḅo anditọ enye ye kpukpru mmọ emi ekedoride enyin ke enye.

### **Mfri Anditiene-Christ**

James ke ukpep-ñkpọ emi, etiñ ọḅo nnyin abañ ima ye mbuḍtidem anditiene-Christ, emi edide mfri mmọ emi enyañade enyuñ edude uwem enọ Jesus. Etiñ enọ nnyin ke Ñwed Mbon Galatia 5:22, 23 ete “Mbuñwum spirit edi ima, ye idaresit, ye emem, ye ime, ye mfọn-ido ye eti ido, ye erinam akpanikọ, ye ifure-ifure ido, ye mfara ke idem.” Abasi ọḍoḅ kpukpru emi ke uwem anditiene-Christ ke ini enye oyomde mmọ ke esit akpanikọ. Edieke munyeneke kiet eke ededi ke otu emi, ka bine Andinọ kpukpru eti edinọ ye kpukpru enọ eke efọḅde ema, ndien Enye eyenọ kpukpru se ananade. Ye utọ mfri emi ke uwem fo, afo eyedi edidiḅ ke ebiet ekededi emi afo odude, edide ke ufọk, me ke ufọk-ñwed, me ke itie-utom.

### **Idiḅk Mfri**

Ukem nte mme eto eke eñwumde ndiḍi mfri, odu mme owo emi edude idiḅk uwem, ndien usen kiet, eyeñwaña iyaresit Abasi eduḅk mmọ. Ke Ñwed Mboñ Galatia 5:19-21, etiñ enọ nnyin ebaña “idiḅk mfri,” ndusuk mmọ edi use, ye mbubiam ido, ye obukpo ido, ye ukpono-ndem, ye edibre-idiḅ, ye usua, ye utọk, ye ufup, ye iyaresit, ye ndomo idem, ye ubahare, ye erisiak isio ñka, ye udu, ye eriyuhọ mmin, ye otime-otime ido, ye mme ido eketiede ntre. Kiet, me kpukpru mme ñkpọ emi eyenam esuñi eto nnyin, enye onyuñ eyemere. Edieke nnyin mikabakede esit, man ewet enyiñ nnyin ke Obio-ubọḅ Abasi, “idiḅk mfri” nnyin eyenam nnyin itak ke nsinsi. Idiḅk-ñkpọ kiet ikpọḅ eyenam nnyin itak. Ediwak ini unana ntiñ-enyin edi idiḅk-ñkpọ emi esibiomde owo ikpe ke nsinsi.

## Edimek

Afo enyene ndimek ndidi eti eto emi oñwumde eti mfri eke spirit, midighe, afo emekeme ndidi eto emi oñwumde idiok-ñkpọ ye mfri esie. Fiok ete ke edimek emi afo emekde ediwut ebiet emi afo edidude ke nsinsi ini. Se afo emekde eyenyene se anamde ke idem owo emi añwanade ndibiene nditiene me ndisin nditiene Abasi.

Nte afo omoyom ndinem Abasi kpa Andikpeme iñwan esit, man ke akpatre Enye okpodofo fi ete, “Omotim anam, afo eti asaña-utom ye owo akpanikọ: akanam akpanikọ ke se miwakke; nyenim fi ekpeme ediwak ñkpọ; duk ke idara obon fo” (Matthew 25:21)? Mme nte afo emek ndisioño mfri idiok-ñkpọ, me unana ntiñ-enyin, emi afo edikopde akpatre, ye ikọ eke midikpuhokede odohode ete: “Edianare Mi, mbufo emi edide mbon nsobo, ekoduk ke nsinsi ikañ” (Matthew 25:41)?

## Mme Odu-uwem Uwut-ñkpọ

Mmọ emi emekde ndinam ñkpọ nno Abasi edu ke inemesit, edi “eto” eke oñwumde mfri, emi eñwamde mbio efen ndikut Abasi. Mmọ emi ewonorede ekpon Abasi, onyũ eñwumde mfri mme idiok owo, eyesobo ye mme ufan mmọ ke nsinsi nsobo emi edibupde mmọ ete, “Nsinam afo mukutiñke unọ mi ubaña Jesus? Afo ama ofiok edi afo etre nditiñ nno mi, ndien idahemi nnyin imatak.” Ikọ ekpep ete ke ufen eyekpon akan onọ mmọ emi ekenyenede akwa uñwana Eti-mbuk edi esin, ekabare etiene ererimbot ye idiok-ñkpọ.

## Eti Edimek

Joshua, owo uko ke Abasi ini kiet ama ofiori ete “Emek ke idem mbufo ndien mfin emi, enye eke mbufo edinamde ñkpọ esie; . . . . edi ama edi ami ye ufok mi, nnyin iyenam ñkpọ Jehovah” (Joshua 24:15). Enye eketiñ ikọ emi ke ini enye ama okoson onyũ ekpere ndikpon ererimbot emi. Enye ama anam ñkpọ onọ Abasi ototonde ke ini uyen esie, onyũ okut Enye nte utibe Ete-Ufok, ye Andifak ke ini unana. Enye ikatuaha mkpofiok ibaña ofuri eyo uwem esie ke ndinam utom nno Abasi, edi osonọ kpukpru owo emi editienede enye ke edem idem ete emek se ifonde.

Ekedi eti edimek ke ini oro, onyũ edi nkukure edimek emi ofonde ke eyo emi, emi edidade idara ye Obio-ubon Abasi osok nnyin.

## MME MBUME

- 1 Nso ke Abasi oyom ndikut ke uwem nnyin?
- 2 Nditọ ubahare oworo nso? Nso ke Abasi etiñ abaña oro?
- 3 Enọ ifañ ke afo oyom mbemiso afo ototonde ndinam utom Abasi?
- 4 Anie edibọ utip eke okponde akan ke mme enọ esie?
- 5 Ewe ñkpọ iba ke James ekpep nnyin ke ukpep-ñkpọ emi?
- 6 Siak mme mfri spirit.
- 7 Ewe edi mme uwak edinam eke obukidem?
- 8 Ekeme didie nditiñ me eto mfri ofon?
- 9 Ewe edimek ofon akan mfin emi? Nso ke afo emek?